

叢書集成續編

第二一九冊目錄

史地類



「地理之部」

山川

錢塘湖山勝覽記一卷	明	夏時撰	武林掌故	一
憩遊偶考一卷	清	華湛恩撰	昭代	九
山海經地理今釋六卷	清	吳承志撰	求恕齋	二五
五藏山經傳五卷海內經附傳一卷	清	呂調陽撰	觀象廬	二一五
禹貢今釋二卷	清	芮日松纂輯	安徽	三三三
禹貢集釋三卷錐指正誤一卷	清	丁晏撰	頤志齋	三六九
禹貢蔡傳正誤一卷	清	丁晏撰	頤志齋	四二九
出塞圖畫山川記一卷	清	溫睿臨撰	適園	四三三
滇南山水綱目二卷	清	趙元祚撰	雲南	四四一
吳興山墟名一卷	劉宋	張玄之撰	雲自在龕	四五九
南嶽總勝集三卷	宋	繆荃孫輯	郎園	四六五
金華赤松山志一卷	宋	陳田夫撰	郎園	四六五
廬山記五卷	宋	倪守約撰	續金華	五三七
廬山圖經一卷圖一卷	宋	陳舜俞撰	殷禮在斯	五四七
廬山紀事十二卷	明	桑喬撰	胡氏豫章	六〇一

錢

勝

唐

縣

湖

詩

山

文

光緒七年冬月
錢唐丁氏重刊
吳興凌璇書檢

錢唐湖山勝槩詩文序

贊向在京師偶得西湖百詠七言律詩一冊共百首蓋宋季杭人董嗣杲所賦者天順己卯秋贊以太常少卿蒙賜老東歸於舟中無事園取而備閱依韻和之亦得百首然其中所可知者不過南北高峯三竺靈隱淨慈六橋孤山保叔岳祠龍井玉泉諸處之顯然者其他不能識其在何處者甚多也嘗訪於杭城之長老亦多不能詳蓋自宋迄元以至於今二百年間荒圯不存者夥矣宜乎知之者少也比因質問於致政廣西方伯夏公以正且以所和鄙作求是正

湖山勝槩詩文序

一

焉公曰吾於十分中頗能識其八九茲不能備談筆之於紙莫可得而詳也今年十月朔果承公以湖山勝槩記文一通見示凡諸勝境靈蹤秘跡杭人所莫識者歷歷如指諸掌班班可攷而有據何其博哉兼賦絕句一百首題悉用董嗣杲之舊清新醞藉誦之令人可喜可愕可以嘆咨可以笑樂可以興夫懷古之思而動盛衰之感焉況百絕不數日即成何其捷哉公自序云夢往書肆易江文通集覺而有得信乎其有神相之非偶然也先儒有言山水因人而顯人因山水而名永垂斯所謂交相贊者矣譬諸柳永二

湖山勝槩詩文序

二

州皆僻陋之邦柳河東謫官於彼作諸遊山水記一水石一草木皆經其題品而佳山水之名傳之至今不特此也峴山因羊叔子而顯東山因謝安石而顯潮之韓山因昌黎而得名惠之白鶴山因東坡而名著輞川八景武夷九曲因王摩詰紫陽夫子而傳播於無窮錢唐湖山之勝又非他方之可彷彿歐陽子曰錢唐有富貴之娛有山水登臨之美其來亦已久矣而賦咏題品者非不多未有如公今日所記之備且富也殆見此記與詩一出益爲湖山增重而公之名亦與同垂不朽無疑矣前所云交相贊之言詎不信哉俟他日贊當邀公拉三三知己肩輿畫舸徧遊湖山凡目所未覽足未至之所煩公一一指示尋遺踪於蘩蕪顯勝跡於久晦于以舒豁心目庶酬欲訪未得之願其樂爲何如哉公命序之姑書此以復未知其可否何如也是爲序時天順癸未冬十月上澣中憲大夫太常少卿致仕會稽陳贊惟成書

錢唐湖山勝槩記

凡稱山川之形勝自京師而下莫不以浙爲首然錢唐所以稱首勝者以內抱湖山奇偉秀麗之美兼有居民富庶知教之風爲吳越一都會也分野在斗疆域則揚州形勢則自天目龍飛鳳舞歇落江湖鍾靈于人物者古今不乏踞江爲險橫空列城城有門十鳳山候潮當其南永昌清泰慶春當其東艮山武林當其北錢唐湧金清波當其西右第一節總記錢唐之勝由城而西出湧金門舊名豐豫行三十步許至西湖環三十里宋號放生池萬頃一碧水天上下朱樓翠黛畫舫

湖山勝槩記

笙歌遨遊古今晴亦美雨亦奇非窮陬僻壤一邱一壑因人而顯者比湖之中有三塔塔之下有三潭淵淵沉沉而莫測其深澄澄湛湛而莫盡其狀魚龍變化鷗鷺浮沉景自天開風月無際有非廣寒水晶之喻可擬也又有孤山山出水中最爲奇絕故山有四照閣竹閣報恩院廣化延祥觀太乙宮帝師殿皆迭興而迭廢今惟白樂天金沙井蘇子瞻六一泉并林和靖墓千古猶在水西雲北月香水影晴光雨色之句至今傳焉今郡守胡侯復建三賢祠以祀樂天君復子瞻知所重矣祠之東有斷橋北有西林橋皆跨

湖而建橋通裏外湖漁樵耕牧謳歌之聲不絕晝夜

濱湖東南有學士港花港柳浪等景相接水雲右第二節記湖中沿湖之勝則自豐樂樓始在湧金門西宋楊

湖山勝槩記

舍文物儒冠茲不暇以悉舉也右第三節記湖東之勝門外則接萬松嶺西過長橋車馬絡繹橋之北有內司之翠芳侂胄之勝景甘內侍之湖曲三園比儷今皆爲墟橋之南卽方家峪峪有劉陳二妃墳墳皆建寺見存寺之南則有慈雲嶺由嶺西轉則南屏山松篁交翠形如象捲狀若屏開後周建淨慈寺今名興教居五山之列山有宗鏡堂下有千佛閣羅漢堂居左鐘樓居前爲十景之一案山之外有雷峯錢氏妃建寺造塔久爲劫灰西有藕花莊高僧聯楚芳塔院右第四節記湖南之勝自淨慈而西至法因寺路歧而二一接蘇

公所築之堤堤亘十里以防澗水行者便之上有六橋下各通步一日映波二曰鎖澗三曰望山四曰壓隄五曰束浦六曰跨虹橋覆以亭隄開桃柳芳草鋪茵菱荷簇錦景入品題尤多其閒又建先賢祠昔享鄉賢三十四人又從湖山堂搗雪江講堂水仙廟及西湖崇真二道院布滿芳堤而無隙地則其當時民物之阜風俗之美政教之行槩可想而見使惠卿有知則含羞于地下矣

右第五節記
湖西之勝

一自法因沿山而行至南高峯峯自五雲山際天分劈疊嶂層巒狀若奔走飛舞湖中望之超然秀麗獨出羣峰浮屠七級

湖山勝槩記

三

上簷霄漢厓有捨身臺鉢孟潭巔有五顯廟龍王祠致禱必應其麓四出一由前洋嶺過大慈山至虎跑眞珠二泉南出龍山進龍橋抵六河塔當江而止一過慈雲嶺登雲臺出包家鳳凰秦望三山多有吳越南宋故迹過者莫不嘉錢氏之克忠而恨秦賈之誤國也今建風雲雷雨山川壇爲國祀典并報國勝果天龍龍華諸寺遶焉一落石塢烟霞二嶺嶺有楊梅塢石佛菴水樂洞泉如樂聲故名下有玉岑山山對高麗寺界六通法相二寺出東嶽行祠越栗園梅園紫紆二三里景致無窮皆山川毓秀于物也一落西

湖過大小二麥嶺大麥之上有蘇軾王瑜題名東至丁家山北有黃泥嶺小麥之上有靈顯廟西下飲馬橋南至風篁嶺上有龍井幅員盈丈深不可測有龍居之禱必興雲作雨昔有方士煉丹其山今荆龍井寺于山之陽西接演福寺寺有辨才塔蘇子由爲銘風水叢聚

右第六節記
南山之勝

溪流而東入湖路轉而北過胭脂嶺至大普福寺北出九里松東過行春橋接小新隄天澤土穀廟路通麴院又由普福西過集慶寺月桂峯下有閻妃墳迤西入佛國山張卽之書扁筆妙入神自入下竺過中竺至上竺而止上竺則觀音

湖山勝槩記

四

爲靈下竺則古蹟爲勝三竺之間雲影天光泉聲松籟岑寂島空香凝鐘靜耳目心神之會覺其迷極其樂者豈不超三界外乎歸路左轉由合澗橋過龍泓洞有飛來峯又名靈鷲山與三天竺一脉聯屬至此而盡故上有巉岩下有空谷謂之飛來者妄也相對有靈隱寺規模宏壯爲五山第二兩山之間有冷泉亭泉可濯亭可憩樹林陰翳九夏而暑無侵樂天云有虛白見山觀風望仙四亭今皆無所考西有呼猿洞猿去而洞湮靈隱之後則北高峯秀出諸山支分上竺盤折七十二灣麓衍二十餘里磅礴起伏至武

林山而歇其靈鍾于五顯神通外境皈向者甚遠山之腰有半山廟西有韜光菴菴極幽靜可以藏修唐有僧居之亦不成果而去山之麓有上下永福寺相鄰天聖薦福寺相對又西過永定菴靈隱高僧塔院至石人嶺嶺通西溪右第七節記復轉北山路過白樂橋沿澗而東經徐神翁雷院北過桃源嶺路通法華山嶺之南有青芝佛牙二塢秦亭靈峯玉泉寺玉泉之水溢出溉田膏潤數里大旱不竭爲一方之民利由玉泉路轉東山至棲霞嶺上有紫雲洞嶺之北有黃龍潭嶺之南有宋中興名將岳鄂武穆王精忠

湖山勝槩記

五

廟宰木蒼蒼春秋祀享千載不磨廟之東新勸鳳林寺舊有永壽寺毛妃墳在焉葛嶺之閒有四聖觀東有瑪瑙寶雲智果三寺寶雲中有葛洪初陽臺智果中有道潛參寥泉葛嶺之首有保叔塔寺名崇壽樓閣憑空軒窗來月金碧相輝于湖上勝有葛翁坡翁事蹟爲北山之偉觀也後有巾子峯如巾又有石甌山如甌塔之下有水月園南有大佛頭相傳以爲秦皇纜船石今僧家改爲佛像面臨湖際寺名大佛此亦古跡之一路有過街塔今廢東有德生堂碑存此卽宋時放生處也西有總宜堂張內侍園扁皆御書

亦當時所重東下石函橋跨街爲梁上函湖水下溉民田樂天所建千載利焉北過馬塍土宜花卉地連府社府稷郡厲二壇金祝靈衛忠臣之廟祀典所係石函之東有昭慶寺則戒壇所宗寺之左右皆古玉壺園先得樓柳林雲洞之址此錢唐門之風景湖山至此而一週勝覽則無窮也右第八節記昔人撮奇摘要爲十景命曰平湖秋水蘇隄春曉斷橋殘雪雷峯落照南屏晚鐘麴院風荷花港觀魚柳浪聞鶯三潭印月兩峯插雲要而未盡其唐宋雖有題詠今多散逸所謂地搜勝槩物無遞形者未免有遺珠之歎

湖山勝槩記

六

近承太常清卿陳公所惠西湖百詠倡和詩一帙觀之因有所感發于其衷乃思先儒吳淵穎昔寓南海山作山川記矧予于錢唐生于茲長于茲游息宴樂每有得于茲桑榆邱隴悉在茲向雖宦寓四方未嘗一日而忘于茲今幸以稀齡又蒙恩而歸全于茲與其默默與草木同腐朽孰若託一言以鳴風土之勝而爲登高能賦者有所採于茲乎故不揆以舊所歷今所考盡技而述此以百絕句附之工拙未暇校尚望博雅君子是正焉右第九節總天順七年九月穀旦中奉大夫廣西布政使司左布政使致仕郡人夏

時以正年七十三記

考異

蘇隄六橋下五曰東浦杭州志寫本作東浦 西湖十景一曰平湖秋水方輿勝覽作平湖秋月因有三潭印月爲疑 進龍橋一時作盡龍橋俱未詳孰是故著于此以俟知者是正 胭脂嶺一名仙芝嶺今兩存之

湖山勝槩記

七

後序

事雖有感而興偶而得因而成者蓋莫不有定數焉予解組歸因足疾不能舉謝絕人事於南窗下忽傳太常清卿陳公以新刊董嗣杲所唱并公所和錢唐西湖百詠長律惠觀予拭目敬誦詩皆雅正而清新事皆核實而根據妙古今之詩又絕湖山之鑑衡也然郢曲有和柰才疏識淺所謂技不獲一者是矣迺悶然隱几就寢忽夢往書肆易江文通集恍然中聞對者曰有予欣然卽以自得旣而復寤日在卓午桂子飄香坐思轉清書几閒墨池適具遂揮毫落紙得

湖山勝槩詩文後序

一

十數絕句日晡暫息明旦起尤爽得數復加三日四日五日六日若泉之達而溪之流也七日就數復得湖山勝槩一記通浹旬而畢稿不假雕礪似覺有神相之然景物有代謝時事有盛衰遇之而感慨美刺不能無係焉貴當乎理但未知視楊郭舊作去取何如耶自惟生平操觚未嘗得成之速也如此誠愧辭之不工耳以江淹夢筆吳□夢蛇靈運之夢惠連事爲不誣是則感而興偶而成亦豈無定數哉聊用效顰倘不以捧心而閉門開喻而釋鑿幸加潤色序弁於首則陽春白雪引商刻羽亦不見難而知者衆矣

敢以是序於篇末以請以俟大章之辱也癸未夏時
書於承志堂之南窗是月既望日識

湖山勝槩詩文後序

二

憩遊偶考

憩遊偶考

別編補卷第三

金匱華湛恩子屏著

天下形勢考

昔稱天下如常山蛇勢秦蜀首也燕晉脊也河洛腹也吳越尾也故古帝王控制六合宰割河山以爲子孫久安長治之業者未有不談形勢自江以北若燕若長安若洛陽若汴都者以什數燕最勝自江以南若蜀若武昌若建康若臨安都者以什數蜀最勝然而都燕爲挈裘之勢都長安爲建瓴之勢都洛陽都

昭代叢書

辛集補

憩遊偶考

一

世楷堂藏板

汴亦不失爲宅中圖大之勢至若都蜀都武昌都建康都臨安皆局處一方而非定鼎之所今以南北太勢計之誠莫如燕京平河繞其南山環其右以居庸爲背紫荊爲吭山海爲襟大名爲秦晉之衝眞定保定爲股肱之郡天津順德之間貨運交錯舟輦輻奏萬方玉帛冠帶之倫竝至而會所謂王不得不不可以爲王者誠天地間一大都會也晉爲神京右臂雁門甯武北遮廣漠而宣汾大同互爲藩援以接關中得使京畿之勢益壯雍州勢據黃河上游以一方阻三

昭代叢書

辛集補

憩遊偶考

二

世楷堂藏板

面昔稱天府亦天下之大都會也漢中俯挹巴蜀潼關保障北鄙甘涼控制西蕃皆稱要害川蜀陡絕一隅水環山東鐵山劍閣之塞可障秦鳳瞿塘滬之險可扼荆襄石門崆峒之奇瀘水黔江之固可制吐蕃而鉗六詔故秦惠王并蜀而始皇因以滅楚晉文帝并蜀而武帝因以滅吳一人當關萬人難敵此梁益之險也山左距神京千里而近東面海西面河西南面山亦海岱之間一大都會也若膠登諸鎮安東甯海靜海諸衛南而諸城日照北而樂安靑光環海

皆西北形勢之大概也然而東南形勢尤不可不辨
金陵勝概虎踞龍蟠大江以南一大都會也以牛渚
爲金湯以鍾阜爲阨塞以淮鳳爲襟帶以三吳爲裨
褥然其間險要有三曰海曰江曰湖濱海之地如蘇
松淮揚而扼要莫如京口沿江者有池太常鎮而扼
要莫若采石磯若震澤亘繞三州洲渚輿折中有七
十二峯奸宄易藏竊發多有然得其道而禦之則濱
池弄兵不足憂也兩浙之勢帶水屏山土饒人眾亦
一都會也以內地言之則湖嘉者腹心嚴衢者堂隩
昭代叢書 辛集補 越遊偶考 三 世楷堂 藏板
以外地言之則甯紹爲杭嘉之蔽溫台爲金處之藩
以海論之則飛雲橫陽爲溫之要害定海天峽爲甯
之要害三江沙門爲紹之要害以山言之則孝豐長
興時多草竊菰城構李寶廣鹽徒東毆之風好懷急
仰機利民多盜壙而慶元松溪之閒時被其殃楚中
北枕大江南極湘水人民之眾蓄積之饒亦大都會
也荆岳以塞川峽辰沅以接雲貴彬桂以跨閩粵進
可掃蕩秦趙退可保守樊襄此武侯借以謀蜀周瑜
藉以抗魏鄧郢之所以號必爭也八閩之地西北阻

山東南瀕水海有揚波則興泉福漳地俱不靖其間
若海門若島尾若冲心平海若深扈穴九龍寨皆必
防之處江右情形易靜難動無關河百二之雄足以
爲固所可採囊而取者此類是也九江諸寨不過彈
丸雖有彭蠡亦衣帶水耳一旦有警則四國之兵朝
發而可夕至然而南贛之閒山谿輿阻袁州之地實
偏長沙而九江獨據上流有把握金陵之勢粵東左
爲惠湖右爲高雷廉諸郡惟廣州中處內地瓊州則
四面皆海其西南近占城暹羅之地而北東爲閩浙
昭代叢書 辛集補 越遊偶考 四 世楷堂 藏板
大洋去帝京萬里鞭雖長未易及也至若粵西其地
僻其種雜其民貧西接羅施南連交趾而梧州亦水
陸要津也若慶遠思恩穴居椎髻科踦成風而金城
銅柱之閒聚澤嘯山時時梗化滇中僻處西南漢苗
雜聚而鶴慶大理永昌之地民殷物阜亦爲南徼樂
居貴州爲古羅施鬼國西接滇南東連荆粵地踔遠
人民稀貧瘠最甚且以毒霧障山路危人梗然入滇
在所必趨此東南形勢之大概也夫天下有天下之
形勢一方有一方之形勢得一方之形勢則一方安

得天下之形勢則天下安然而洞庭彭蠡非不深大
行孟門非不高峻函非不固岷峨玉壘劔閣棧道非
不險長江天塹非不可以限南北長城萬里非不塞
鴻溝非不界則又可一言盡之曰在德不在險

防江形勢考

嘗考西南志而知江之源實出于吐蕃之犁石南流
而至武定是爲金沙江緬人恃以爲險經麗江鶴慶
東至四川之會州建昌等處其勢漸盛江之源不自
岷山始也然而論江者必自岷山始竊總大勢計之
昭代叢書辛集補世道偶考卷第三五世楷堂
滔滔萬里水之會于江者居天下之半其大而可考
者有十二焉自峽以西所受者七于嘉州則沫水合
大渡江穿夷界十山以會之至敘州則馬湖江會之
又十五里而南廣江會之至瀘州則內江長甯江資
簡江會之至重慶而嘉陵江與利閬果合等州諸水
會之至涪州而黔江所受南夷諸水會之至萬縣而
開江與開達等州諸水會之自峽以東所受者五至
岳陽則洞庭所受湖南北諸水俱會之至鄂州則漢
口所受與元諸水俱會之以一江而注半天下之水

勢誠不險哉此魏帝至廣陵而歎天之所以限南北
也然王濬之克西陵北軍飛渡韓擒虎之濟采石陳
人不知雖有勝勢必視其守禦何如間考近江郡邑
若四川則茂州之汶川成都之灌縣崇慶之新津嘉
定之峨嵋犍爲敘州之宜賓保甯之宣化瀘州之合
江重慶之江津巴縣外若涪州合州忠州以及夔州
之萬縣雲陽巫山奉節皆近江若湖廣則夷陵之宜
都歸州之巴東荊州之枝江上安石首襄之沔陽岳
之巴陵武昌之咸甯黃州之鄖州皆近江若江西則
昭代叢書辛集補世道偶考卷第三六世楷堂
九江之德化湖口彭澤南康之星子皆近江若江南
則安慶之懷甯池州之東流青陽銅陵太平之當塗
蕪湖而江甯鎮江寶枕其側揚州之儀真泰興通州
常州之江陰靖江蘇州之常熟皆近江自來不知地
形者不能用兵不識水勢者亦不能備寇自峽以西
無論矣而呂頤浩有沿江諸郡自荆南至儀真可渡
處甚多可不爲之預備乎故吾約略計之其下游大
勢有二扼有三要有十四隙二扼者自鎮江至池陽
自池陽至荆南也三要者江自湖口而來小孤蓮花

白沙諸洲股數不一直至黃磯與南岸雁汊相對是爲一要過此爲長磯夾烏沙夾梅梗銅陵紫沙丁家二洲支派復分直至獲港爲南岸之板子磯與北岸泥汊斜對是爲二要過此爲蘆蓆夾叫化渡支派復分直至蕪湖南岸之清風樓與北岸梟磯相對是爲三要十四隙者東流而下南岸如香口直接建德堯城渡與彭澤相通則爲一隙一自黃盆河口至殷家匯爲二隙一自大通河口至青陽吳口鋪爲三隙一自獲港至青陽繁昌爲四隙一自魯港而下至方渡昭代叢書 辛集補 越遊偶考 卷第三 七 世楷堂 藏板

石黃渡爲五隙一自蕪湖口而至涇縣旌縣爲六隙一自姑熟溪采石口接于宣城黃池爲七隙一自北岸雁汊有安慶山口鎮直通宿望漳發諸湖爲八隙一自樅陽湖口直接羅利廬江諸處爲九隙一自湯家溝出穀汊路爲十隙一自灰河抵廬江爲十一隙一自泥汊抵無爲爲十二隙一自需溪口乃巢湖出江大路爲十三隙一自梁河口與南岸和尚港呼吸爲十四隙此防江形勢之大概也至若治樓船謹烽燧勤操練飭兵械嚴偵探有治人自有治法

防海形勢考

甚矣海之未易言防也自遼左以至粵之樂會瀕海之區計凡一萬四千里欲盡防之則不能不盡防之又不可海亦豈易言防哉然以大勢計之有以不防爲防者焉有以防爲不防者焉有以守爲防戰爲防勦爲防撫爲防者焉北京瀕海之區雖有滄州鹽山昌黎而禁軍屯擁京畿一旦有警龍驤四出勢堪壓卵輕兵誰敢深入乎所謂以不防爲防者此也山東瀕海之區如登州萊州濱州利津霑化壽光諸城日照然而地無支港餘艘難泊縱有海氛殲之亦易所謂以防爲不防者此也廣東瀕海之區有南海海豐海陽茂名電白吳川海康合浦瓊州而其扼要者尤在羅州瓊海防之者地分三路以雷廉高爲西路東莞爲中路惠潮爲東路東路則柘林爲第一關中路則虎頭門爲第一關西路之關則在陽電等處然賊之來莫便于東路使屯兵謹守東路庶中路可安而西路不難整暇以待此廣東之形勢也閩粵之交則爲南澳而福建瀕海之區有福清羅源福甯龍溪漳

浦海澄二面當海者與泉也三面當海者福漳也其間要害之處若舊浯嶼走馬溪崇武安海月港晉江之深扈嶺窟與化之冲心平海龍溪之海門漳浦之島尾南靖之九龍寨福甯突出海中形如吐舌然守福甯者當守三沙又先守銅山元鍾浯嶼安邊官澳金門等處則賊不敢泊漳泉先守南日之岱墜湄州小埕之海壇連盤則賊不敢泊福興此福建之形勢也浙江地界南至玉環烏沙門諸山與福建交接北至羊山馬蹟之地與江南交接而陳錢是爲分隸之昭代叢書 辛集補 卷第三 九 世楷堂 藏板

南蘇松二郡皆瀕海江以北淮揚二郡皆瀕海然欲扼其要而固吾圉金陵其一大防也欲安金陵當防京口欲安京口當防沿海之蘇松淮揚夫蘇松之瀕海者不一若嘉定若崇明若華亭若上海而吳淞江實爲要衝吳淞而南爲川沙堡爲南匯迤西爲青村爲柘林爲金山衛西連嘉興之乍浦吳淞而北爲劉家河爲七了港迤東爲崇明七了之西爲白茆港爲福山又折而西北爲楊舍爲江陰爲靖江又西爲孟江爲圓山其設備于吳淞而南當以正兵守柘林而昭代叢書 辛集補 卷第三 十 世楷堂 藏板